

Акафист Успению Пресвятой Богородицы

Кондак 1

Избранной от всех родов Божией Матери и Царице, восходящей от земли к Небесам, благоговейная пения о пречестном Твоем Успении приносим рабы Твои, Богородице. Ты же, яко имеющая победу над смертию, от всяких нас смертоносных бед свободи, да зовем Ти: Радуйся, Обрадованная, во Успении Твоем нас не оставляющая.

Икос 1

Ангел предстатель послан бысть рещи Богородице ко премьрным Ея возшествие и приити предьявление к Ней Сыну Ея и Богу, светло о Ней блистаяся и стоя, зовый таковая: Радуйся, прерадованная Мати Царева; Радуйся, Небесная Царице, Мати Бога и Господа Небес и земли. Радуйся, предпочтенная превеличеством пришествия к Тебе Сына Твоего и Бога; Радуйся, возвеличенная извещением Твоего к Сыну отшествия. Радуйся, от всех родов Богом избранная; Радуйся, святое вместилище Слова Божия. Радуйся, пророческаго проречения исполнение; Радуйся, Апостолом пречестный венец. Радуйся, святителем украшение и священником доброто; Радуйся, правителем удобрение и державо. Радуйся, Богомудрых иноков возведение к Горнему Царствию; Радуйся, отверзающая райския двери христианскому роду, присно Тя блажащему. Радуйся, Обрадованная, во Успении Твоем нас не оставляющая.

Кондак 2

Видяще Апостолов лик, всеильным мановением от конец земли на облацех представших ко Пречестному Твоему, Пренепорочная, Успению, священноначальницы: Дионисий — небесный тайнник, Иерофей дивный и Тимофей с Боголепною честью священства пояху Богу: Аллилуиа.

Икос 2

Разумная вся тварь, старейшая чиноначалия ангельская приидоша со своим Царем, Иже во Своей живоначальнейшей руке душу Матере Своей прият; теплый же верою Петр со слезами многая к Ней изрече, зовый: Радуйся, ко премьрным, Мати Творца миру, восходящая; Радуйся, к пренебесным, пространнейшая небес, вземлющаяся. Радуйся, четверочастное стихий освятившая Твоим восхождением; Радуйся, Небесных возвеселившая Твоим прехождением. Радуйся, во Иерусалим Горний прекрасный приятая; Радуйся, в нерукотворенныя храмы прерадостно вшедшая. Радуйся, Херувимов и Серафимов Царице; Радуйся, Архангелов Владычице. Радуйся, прибежище верных и избавление; Радуйся, достоянию Твоему помощь и защещение. Радуйся, о всем мире христианством к Богу Ходатаице;

Ра́дуйся, благ всяческих Всеблагая Подательнице. Ра́дуйся, Обра́дованная, во Успении Твоём нас не оставляющая.

Кондак 3

Сила Вышняго восхити от Индии Фому, за некое изволение Божие не прилучшуся ему в пречестное успение Богоматере, и предпостави живоприемному Ея гробу, иже, Преставльшуюся приник видети, уразумё вознесенную на Небеса с телом и, веровав, о сем возопи: Аллилуиа.

Икос 3

Имея в себе помышление ученик, яко Божиим смотрением бе ему не обрестися ко проведению Богоматере с прочими вкупе, обрадован быв о безсмертном Ея Успении, сия вопиаше к Ней: Ра́дуйся, восприемлемая от земли дланьма Сына Твоего; Ра́дуйся, ко превышним возшедшая наслаждатися славы Его. Ра́дуйся, провождаемая от всех чиновачалий ангельских в Горняя; Ра́дуйся, подъемлемая Херувимы в Небесная и Наднебесная. Ра́дуйся, в Небесных вратех от старейших Сил велелепно песнями возносимая; Ра́дуйся, от всех Небесных граждан окружаемая и блажимая. Ра́дуйся, Небо земное, к Горнему селению возвышенное; Ра́дуйся, Престоле Господень, от земли вознесенный в Царствие Небесное. Ра́дуйся, предстательство наше и крепкое заступление; Ра́дуйся, грешником Споручнице во спасение. Ра́дуйся, Христианом Царнице и по Бозе Надеждо Небеснаго Царствия; Ра́дуйся, Мати Живота и по Господе нам упование жизни вечныя. Ра́дуйся, Обра́дованная, во Успении Твоём нас не оставляющая.

Кондак 4

Бурю внутри имея Аффоний помышлений неверных и зря Богоносными Апостолами Богоматере Пречестное Тело всечестне ко гробу несенное, ко опровержению устремися; внезапно же, егда со ослеплением очию рuce его отъяте ко одру прилеплене висясте, верою Матерь Божию исповедаше, вопия Богу: Аллилуиа.

Икос 4

Слышавше тайницы и самовидцы Слова Ангелов, поющих превышними песнями при погребении Богоприятного тела Божия Матере, и честь подати хотяще Богогодную, потщася согласно пети, глаголюще: Ра́дуйся, благовестие приемшая о прешествии Твоём в Горнее Царствие; Ра́дуйся, от благовестившаго Гавриила приемшая радостнаго рая равие. Ра́дуйся, пречестное херувимское множество просветившая; Ра́дуйся, преславное серафимское естество возрадовавшая. Ра́дуйся, от патриархов прообразованная; Ра́дуйся, от пророков предвозвещенная. Ра́дуйся, злую дерзость Аффониеву скоро отмстившая; Ра́дуйся, исцеление томужде подавшая. Ра́дуйся, обратившая в веру Аффониево неверие; Ра́дуйся, верное того приемшая исповедание. Ра́дуйся, возводящая к Небеси любовь и веру

к Тебѣ имущих; Рáдуйся, спасающая верою имя Твое призывающих. Рáдуйся, Обрадованная, во Успении Твоем нас не оставляющая.

Кондак 5

Боготѣчныя звѣзды, Апóстоли святїи, в поднебѣсней разсѣяннии рáди Евáнгелия, восхищѣни бѣша на óблацех, по широтѣ воздушней, ко погребѣнию Мáтере Госпóдни, Юже пѣньми и пѣсньми провождающе, с Невещественными взываху: Аллилуиа.

Икос 5

Видевше Боговѣдцы своего Владыку, в руке Мáтере Своея дýшу приѣмша, и Господа Того разумевше, потщашася священнослова пѣсньми благословне воспѣти Ю: Рáдуйся, Царїце, над всеми Цáрствующаго носившая; Рáдуйся, и Самá рукама Егó Сынóвнима носимая. Рáдуйся, скиптре царский в Христовой деснице; Рáдуйся, в руке Ноя ветвь голубицы. Рáдуйся, жезле Ааронов, прозябший нетлѣние; Рáдуйся, крїне неувядаемый, процветший безсмертие. Рáдуйся, Богоотца Давїда цевнице Богодохновенная; Рáдуйся, пророчества егó возставшая слово, псалтирю и гýсли прекрасныя. Рáдуйся, одушевленный святѣни Госпóдни кивоте; Рáдуйся, в покой Господень воскресший наш животѣ. Рáдуйся, скиние, от Херувимов осеняемая; Рáдуйся, Святая святых, от Серафимов глаголемая. Рáдуйся, Обрадованная, во Успении Твоем нас не оставляющая.

Кондак 6

Проповѣдницы Богонóснии Апóстоли, по отшествии ко премїрным Бóжия Мáтере во óбщем седѣнии обычныя трапѣзы бѣвшие и предложѣние части хлѣба во Имя Госпóдне возносяще, внезапно свѣше Богородицу Царїцу, пришедшую со светонóсными Ангелы, зряху и, мир тем от Сына и Бóга подавшую слышавше, возгласиша о сем: Аллилуиа.

Икос 6

Возсия нам Сóлнце правды, Христóс Бог от Твоих пречистых ложесн, волею и благоразумием проповѣдания чрез Апóстолы мир просвети и Тя, Богомáтерь, от рода и в род прослави. Тѣмже и мы вси ублажаем Тя, вопиюще Ти: Рáдуйся, Присноблаженная от всех родов во вѣки; Рáдуйся, благоутробная и Милостивая на человеки. Рáдуйся, ученическому лику обещание исполнившая; Рáдуйся, присещением Твоим от Сына Твоегó и Бóга мир томú подавшая. Рáдуйся, всежелательное святых сладкое зрѣние; Рáдуйся, преподобных матерей и дев святых всевеселящее радование. Рáдуйся, переходящая райское селѣние праведных; Рáдуйся, посещаящая всех во славе небесней сущих. Рáдуйся, начало человеческого спасѣния; Рáдуйся, исполнѣние всех благих желанїя. Рáдуйся, по Бóзе, Царѣ царствующих, Богородице Царїце; Рáдуйся, по Господе господствующих, Владыце

нашем, Госпоже и Владычице. Радуйся, Обрадованная, во Успении Твоем нас не оставляющая.

Кондак 7

Хотящих всех с верою входить в храм Твой святый, Богородице, присно спасаеши и славящих Тя от всяких напастей и бед свобождаеши; темже и благоверным людем, присноблажающим Тя, победы на сопротивных даруй и вся ко спасению прошения нам подавай, о сем молящимся Тебе и поющим Богу: Аллилуиа.

Икос 7

Новую показа тварь, явлься нам, всех Творец Господь Тобою, Богородице. Ты же сродное промышление о нас к Немю имущи, честне почитающих пречестное Твое Успение, прими сицевая Тебе вопиющих: Радуйся, Мати Богу, избранная от земных; Радуйся, превышшая земных и Небесных. Радуйся, Херувимов и Серафимов горе превозшедшая; Радуйся, лик ученический облаком ко погребению Ти доле совокупльшая. Радуйся, Фому по погребении Твоем силою Божиею предпоставившая изряднее; Радуйся, чрез него уверившая Твое на Небо с плотию преселение. Радуйся, красотю всех добродетелей украшенная; Радуйся, краснейшему паче сынов человеческих Сынови Своему сопричтенная. Радуйся, яко финикс, плотию воскресшею процветшая; Радуйся, яко кедр в Ливане небесном, умножившаяся. Радуйся, древо животя, насажденное посреде рая превышняго; Радуйся, ковчеже мысленный возвышенный в Горняя от потопа смертнаго. Радуйся, Обрадованная, во Успении Твоем нас не оставляющая.

Кондак 8

Странно в превышних вѣдуще Тя, Избранная, яко солнце, Владычице, внутрь пренебесных недомыслимых красот и неизреченных доброт, умильно к Сыну и Богу, дланьма Его держиму, возшедшую и прерадостно преклоньшуюся живоначальной Его деснице, о сем непрестанно вопием: Аллилуиа.

Икос 8

Вся бывши горе, к Небесным взята и, земных не оставляючи, Богомати, рукама Сыновними носима, в незаходима видѣ, во оный град всесветящий и прекрасный, Иерусалим вышний, Херувимы обстоима со всеми Небесными силами, идеже слышит поющих сия: Радуйся, Еяже пресвятая душа в вышнем всесветлом Сионе вселяется; Радуйся, Еяже и нетленное тело таможде с душею купно прославляется. Радуйся, вшедшая в престольный град Самого Вседержителя; Радуйся, вознесшаяся в прекрасный рай Вышняго Насадителя. Радуйся, пренесенная во град, основанный от камней всесветящих; Радуйся, введенная во ограду, обстоимую вои сил превышних. Радуйся, превышше Небес во благолепии Божие взятая; Радуйся, паче всех невещественных умов почтенная. Радуйся, приносящая к Сыну Своему и Богу моление верных; Радуйся, и Сама непрестанно у Престола

Сына Твоего и Бога молящаяся о всех. Радуйся, Предстательнице к Богу, мир спасающая; Радуйся, Заступнице, роду христианскому от Бога дарованная. Радуйся, Обрадованная, во Успении Твоем нас не оставляющая.

Кондак 9

Всякое естество ангельское превозносит Тя, Богородице, человечести же роди вси Матерь Тя Божию славим и почитаем пречестное Твое Успение, Царице: Тебе бо ради земнии Небесным совокупаются, согласно поюще Богу: Аллилуиа.

Икос 9

Ветийства Боговещанных пророческих речений ныне зрим о Тебе сбывшаяся, Богородице, яко воистину Бога плотию родила еси нам. Темже таинству словесе Божия верующе, вопиём: Радуйся, закона и пророков главизно совершенная; Радуйся, звездо Иаковля, Валаамом пророкованная. Радуйся, одре Царя Великаго, вещанный Соломоном; Радуйся, руно, орошенное Иисусом, образованное Гедоном. Радуйся, Неопалимая Купино, законоположником предзримая; Радуйся, горю святая, мужем желания усмотренная. Радуйся, лестнице небесная, Иаковом предвидимая; Радуйся, двере непроходимая, Иезекиилем предзримая. Радуйся, солнце селения Христова, псалмопевцем предъявленное; Радуйся, таинство, многообразне пророки пронареченное. Радуйся, пророческих глагол всех, предреченных о Тебе, конец принеся; Радуйся, Вышняго смотраения вся за спасение мира совершившая. Радуйся, Обрадованная, во Успении Твоем нас не оставляющая.

Кондак 10

Спасти хотя мир, Иже всех Господь от земнаго Тя рода избра в Матерь Себе и, нас ради быв человек, взыде, отнюдуже сниде, к Небеси от земли, и Тебе с Собою возведе ко пребыванию во славе вечней и соцарствованию с Собою, конца не имущему, Темже, яко Бог, слышит от всех: Аллилуиа.

Икос 10

Стена еси верным, Богородице Дево, и заступление всем, к Тебе прибегающим, ибо Небесе и земли Творец, от Тебе плотию прошед, Пречистая, духом и телом в Небесная Тя пресели, ко ближайшему предстательству о всех, ихже приглашати научи: Радуйся, граде Царя Великаго верху горы Небесных; Радуйся, стено и пороге, не крьющийся от нашего притекания. Радуйся, верным на враги пособствующая; Радуйся, нашествия агарянская побеждающая. Радуйся, веры благочестивыя недвижимое сохранение; Радуйся, еретическующих полков разорение. Радуйся, радость и умирение миру сущая; Радуйся, всегубительнаго ада поправшая. Радуйся, воинствующих на плоть целомудрием изрядное венчание; Радуйся, мученических подвигов всечестное прославление. Радуйся, преподобных трудом Ходатаице блаженнаго упокоения; Радуйся, иноком благоскорбящим По-

дательнице вѣчнаго радованія. Рáдуйся, Обрадованная, во Успѣнии Твоѣм нас не оставлѣющая.

Кондак 11

Пѣние всякое Богодухновенных пѣсней не довлѣет от нас ко похвалѣ всечестнаго Успѣнія Твоего, Всехвальная Владычице, Царице Богородице, но усердно Тебѣ приносим, яко Матери Царя всех, смиренное молѣние наше, с Небесными чинми поюще Единому достойно прославляющему Тя Богу: Аллилуиа.

Икос 11

Светопріемная свещá истиннаго Свѣта сущим нам на землѣ явльшися, дѹши просвещáеши и чтѹщих Твое всечестное преставленіе к разуму Божественному наставляеши, да поѣм Ти сицевáя: Рáдуйся, свещѣ неугасимая огнѣ невещественнаго; Рáдуйся, зарѣ незаходимая Свѣта невечерняго. Рáдуйся, луно, от Солнца правды облиставáемая; Рáдуйся, свѣтлосте, во тьме свѣтѣющая. Рáдуйся, свѣтильниче, на свѣщнице превѣшнем поставленный; Рáдуйся, источниче жízни, из гроба во свѣт изведенный. Рáдуйся, Мати Свѣта умнаго, благочестивых дѹши просвещáющаго; Рáдуйся, Мати всех Бога, озлобленных дѹши утешáющаго. Рáдуйся, уповáющим на Тя животá конец непостыдный дарующая; Рáдуйся, достояніе Божиим и Своим рабѹм на Судѣ Сына Твоего одеснѹю Его устрояющая. Рáдуйся, Преблáженная, яко Тобою блаженіе есмы и мы, иже Помощницу Тя имамы; Рáдуйся, Преблагословенная в род и род, яко Господь с Тобою, и Тобою с нами. Рáдуйся, Обрадованная, во Успѣнии Твоѣм нас не оставлѣющая.

Кондак 12

Благодáть высокопрестольныя слáвы, на небесѣх даровáнную Богомáтери, почтенной седѣнием одеснѹю Сына Ея и Бога видяще горнии умы, подъяша Ю Престоли и Силы, окружиша Начáла и Власти, припадѹша страшнии Херувими, Серафими и Господства, со Архáнгелы и Ангелы вопиюще: Аллилуиа.

Икос 12

Поюще всечестное Твое Успѣние, восхваляем вси ко пренебесным возшествіе Твое, Царице Богомáти. Ты же освяти, прослави и спаси всех, любовію поющих Тебѣ: Рáдуйся, очистившая зѣмлю пречистыми ног Твоих стопами; Рáдуйся, освятившая воздѹх восхожденіем Твоим к Небесѣм. Рáдуйся, на Небесный круг возступившая; Рáдуйся, вся доброты неизреченныя зрящая. Рáдуйся, во слáве присѣдѣющая престолу Сына Твоего и Бога; Рáдуйся, с Сыном и Богом вечно царствующая. Рáдуйся, красотѹ в деснице Господней, украшáющая блажáщих Тя всех Небесных; Рáдуйся, обрадованная надѣяніем на Тя всех земных. Рáдуйся, облеченная в солнце, сияющая благодатию и слáвою всей вселенней; Рáдуйся, обещававшая сохранѣти и спасти призывáющих Тя всех в поднебесней. Рáдуйся, от христіанских родов Мати Божия почитáемая и Богородица именуемая; Рáдуйся,

от восток солнца до запад преславно и православно от всех благочестивых слави-
мая. Радуйся, Обрадованная, во Успении Твоём нас не оставляющая.

Кондак 13

О Всепетая Мати Безсмертнаго Царя Небес и земли, Христа Бога нашего, жи-
вущая и по смерти, нынешняя приношения о всечестном Твоём Успении от нас
приёмши, в жизни сей и в смертном успении нашем от всякия напасти, бед и муки
избави и Небеснаго Царствия нас, Царице, сподоби, о Тебе вопиющих: Аллилуиа.

(Этот кондак читается трижды, затѣм икос 1 и кондак 1)

Молитва на Успение Пресвятой Богородицы

О Пресвятая Богородице Дево, Владычице, вышшая Ангел и Архангел и вся
твари Честнейшая, ангельское великое удивление, пророческая высокая пропо-
ведь, апостольская преславная похвало, святителей изрядное украшение, мучени-
ков крепкое утверждение, иноков спасительное наставление, постников неизнемо-
гающее воздержание, девствующих чистото и славо, матерей тихое веселие, мла-
денцев мудросте и наказанье, вдовиц и сирых Кормительнице, нагих одеяние, бо-
лящих здравие, пленников избавление, по морю плавающих тишино, обуреваемых
небурное пристанище, блуждающих нетрудная Наставнице, путешествующих
легкое прохожденье, труждающихся благое покоище, в бедах сущих скорая За-
ступнице, обидимых Покрове и прибежище, ненадеющихся надеяние, требующих
Помощнице, печальных присное утешение, ненавидимых любовное смирение,
грешников спасение и к Богу присвоение, правоверных всех твердое ограждение,
непобедимое поможение и заступление! Тобою нам, Владычице, Невидимый
видим бысть, и Тебе мольбу приносим, Госпоже, грешнии раби Твои: О Премило-
стивая и Пречудная Света умнаго Царице, рождающая Царя Христа, Бога нашего,
Живодавца всех, от небесных славиная и от земных хвалимая, ангельский ум,
светозарная звезд, святых Пресвятейшая, Владычице всех тварей, Боголепная
Девице, Нескверная Невесто, палато Духа Пресвятаго, огненный Престоле Не-
видимаго Царя, небесный киводе, носило Слова Божия, огнеобразная колеснице,
покоище Живаго Бога, неизреченное составление плоти Христовы, гнездо Орла
Небеснаго, Горлице Богогласная, Голубице короткая, тихая и незлобивая, Мати ча-
долюбивая, милостей бездно, развергающая тучу гнева Божия, неизмеримая глу-
бинно, неизреченная тайно, несведомое чудо, нерукотворенная Церкви Единого Ца-
ря всех век, благоуханное кадило, честная багрянице, Боготканная порфиоро, ду-
шевный рай, живоноснаго сада отрасли, цвете прекрасный, процветший нам не-
бесное веселие, грозде спасения нашего, чаше Царя Небеснаго, в нейже раство-
рися от Духа Святаго вино неисчерпаемая благодати, Ходатаице закона, зачало
истинных веры Христовы непоколебимый столпе, мечу ярости Божия на богопро-
тивных, бесов устрашение, во бранех побеждение, христиан всех неложная Хра-
нительнице и мира всего известное спасение! О Семилостивая Госпоже, Дево
Владычице, Богородице, услыши нас, молящихся Тебе, и яви милость Твою на

лю́дех Тво́их, моли́ Сы́на Своего́ изба́виться нам от вся́каго зла и сохра́ни обите́ль на́шу и вся́ку обите́ль, и град, и страну́ ве́рных, и лю́ди, благоче́стно прибега́ющая и призы́вающая и́мя Твое́ свято́е, от вся́кия напа́сти, губи́тельства, гла́да, тру́са, пото́па, огня́, мечá, нашéствия иноплеме́нников и междуо́бных бра́ни, от вся́кия болéзни и вся́каго обстоя́ния, да ни ра́нами, ни преще́нием, ни мо́ром, ни вся́ким пра́ведным гне́вом Бо́жиим ума́лятся раба́ Твоя́. Но соблюда́й и спаса́й ми́лостию Своёю, Госпоже́, за ны моля́щихся, и поле́зное благорастворе́ние возду́ха во вре́мени пло́днаго приноше́ния нам да́руй. Облегчи́, возста́ви и поми́луй, Преми́лостивая Влады́чице, Богороди́це препе́тая, во вся́кой беде́ и нужде́ су́щия. Помяни́ раба́ Твоя́ и не прэ́зри слез и воздыха́ния на́шего, и обнови́ нас бла́гостию Своёя́ ми́лости, да со благодаре́нием утеша́емся, обрётше́ Тя Помо́щницу. Уми́лосе́рдися, Госпоже́ Пречи́стая, на немощны́я лю́ди Твоя́, Наде́ждо на́ша. Разсе́янные собери́, заблудши́я на путь пра́вый наста́ви, отпа́дшия от благоче́стивыя оте́ческаго ве́ры па́ки возврати́, ста́рость поддержи́, ю́ныя вразуми́, младе́нцы воспита́й и просла́ви сла́влящая́ Тя, изря́днее же — Це́рковь Сы́на Твоего́ соблюди́ и сохра́ни в долготу́ дней. О Ми́лостивая и Преми́лостивая Цари́це Небесе́ и земли́, Богороди́це Присноде́во! Хода́тайством Тво́им поми́луй страну́ на́шу и во́инство ея́ и вся́ правосла́вныя христиа́ны, сохра́няющая́ их под кро́вом ми́лости Твоея́, ри́зою Твоею́ честною́ защити́ и моли́ из Тебе́ вопло́щагося без се́мене Христа́, Бо́га на́шего, да препоя́шет ны свы́ше си́лою на вся́ ви́димыя и неви́димыя враги́ на́ша. Спаси́ же и поми́луй, Госпоже́, Вели́каго Господи́на и Отца́ на́шего (*имя*), Святе́йшего Патриа́рха Моско́вского и всея́ Руси́, преосвяще́нныя митрополи́ты, архиепи́скопы и епи́скопы правосла́вныя, иере́и же и диа́коны и весь приче́т церко́вный, и весь мона́шеский чин, и вся́ правове́рныя лю́ди, поклоня́ющиеся и моля́щиеся пред честною́ Твоею́ ико́ною. При́зри на всех нас при́зрением ми́лостивнаго Твоего́ заступле́ния, воздвигни́ нас из глубины́ грехо́вныя и просвети́ о́чи серде́чныя ко зрeнию спасeния, ми́лостива нам бу́ди zde и на Стра́шном Суде́ Сы́на Твоего́ о нас умоли́, преста́вльши́яся во благоче́стии от жити́я сего́ раба́ Твоя́ в ве́чной жи́зни со А́нгелы и Арха́нгелы и со все́ми святы́ми причти́, да одесну́ю Сы́на Твоего́ Бо́га предста́нут, и моли́твою Твоею́ сподо́би вся́ правосла́вныя христиа́ны со Хри́стом жи́ти и ра́дости а́нгельския в Небeсных селе́ниях наслажда́тися. Ты бо еси́, Госпоже́, сла́ва Небeсных и упова́ние земны́х, Ты на́ша Наде́жда и Засту́пница всех при́текающих к Тебе́ и Твоея́ святы́я по́мощи прося́щих. Ты Моле́бница на́ша тёплая к Сы́ну Твоему́ и Бо́гу на́шему. Твоя́ Ма́терняя моли́тва мно́го мо́жет на умоле́ние Влады́ки, и Тво́им предста́тельством ко Престо́лу благода́ти Пресвяты́х и Живо́творящих Егó Та́ин присту́пати дерза́ем, аще́ и недосто́йнии. Те́мже всечестны́й о́браз Твой и руко́ю Твоею́ держа́мага Вседержи́теля ви́дяще на иконе, ра́дуемся, грeшнии, со умиле́нием припада́юще, и любо́вию сей целу́ем, ча́юще, Госпоже́, Тво́ими святы́ми Богоприя́тными моли́твами дойти́ Небeсныя безконeчныя жи́зни и непосты́дно ста́ти в день су́дный одесну́ю Сы́на Твоего́ и Бо́га на́шего, сла́вляще́ Егó кúпно со Безнача́льным Отце́м и Пресвятым, Бла́гим, Живо́творящим и Еди́носу́щным Ду́хом, во ве́ки веко́в. Ами́нь.